

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
VLADA

**UREDBA**  
**O IZMJENI UREDBE O VRSTI I POSTUPKU OBJAVLJIVANJA PROPISA I**  
**JAVNOSTI RADA ORGANA UPRAVE, JAVNIH PREDUZEĆA, JAVNIH USTANOVA**  
**I PRAVNIH LICA ČIJI JE OSNIVAČ KANTON SARAJEVO**  
**(NACRT)**

Nosilac izrade:  
Ministarstvo pravde i uprave

Sarajevo, april 2024. godine

Na osnovu člana 2. stav (2) Zakona o objavljivanju propisa i drugih općih akata u "Službenim novinama Kantona Sarajevo" ("Službene novine Kantona Sarajevo", br. 18/11 - Prečišćeni tekst, 36/15, 11/19 i 35/22) i čl. 26. i 28. stav 1. Zakona o Vladi Kantona Sarajevo („Službene novine Kantona Sarajevo“, br. 36/14-Novi prečišćeni tekst i 37/14-Ispravka), Vlada Kantona Sarajevo, na \_\_\_\_\_ sjednici održanoj \_\_\_\_\_ 2024. godine, d o n o s i

(NACRT)

**UREDBU**  
**O IZMJENI UREDBE O VRSTI I POSTUPKU OBJAVLJIVANJA PROPISA I**  
**JAVNOSTI RADA ORGANA UPRAVE, JAVNIH PREDUZEĆA, JAVNIH USTANOVA**  
**I PRAVNIH LICA ČIJI JE OSNIVAČ KANTON SARAJEVO**

**Član 1.**

**(Izmjena člana 5.)**

U Uredbi o vrsti i postupku objavljivanja propisa i javnosti rada organa uprave, javnih preduzeća, javnih ustanova i pravnih lica čiji je osnivač Kanton Sarajevo („Službene novine Kantona Sarajevo“, broj 21/19), član 5. mijenja se i glasi:

**„Član 5.**

**(Izuzeci)**

Izuzetno od odredbi člana 3. ove uredbe, organi javnog sektora dužni su objaviti na svojoj web stranici slijedeće akte koji nemaju karakter općih akata:

- a) rješenja i odluke i svi drugi akti koji se odnose na provođenje postupaka javnih nabavki, osim ako Zakonom o javnim nabavkama („Službeni glasnik BiH“, br. 39/14 i 59/22) i podzakonskim aktima proizašlim iz ovog zakona nije zabranjeno;
- b) kvartalne zbirne izvještaje o isplati novčanih naknada zaposlenim u organima javnog sektora, koji sadrže vrstu novčane naknade i ukupan iznos isplaćenih naknada (npr. rad u komisijama za koje se plaća naknada, prekovremeni rad i sl.).“.

**Član 2.**

**(Stupanje na snagu)**

Ova uredba stupa na snagu narednog dana od dana objavljivanja u “Službenim novinama Kantona Sarajevo”.

Dostaviti:

1. Predsjedavajući Skupštine Kantona Sarajevo;
2. Zamjenici predsjedavajućeg Skupštine Kantona Sarajevo (3x);
3. Premijer Kantona Sarajevo;
4. Ministarstvo pravde i uprave;
5. Za objavu u „Službenim novinama Kantona Sarajevo“;
6. Evidencija;
7. Arhiva.

**P R E M I J E R**

**Nihad Uk**

## O B R A Z L O Ž E N J E

### I – PRAVNI OSNOV

Pravni osnov za donošenje ove uredbe sadržan je u odredbama člana 2. stav (2) Zakona o objavljivanju propisa i drugih općih akata u "Službenim novinama Kantona Sarajevo" ("Službene novine Kantona Sarajevo", broj 18/11 - Prečišćeni tekst, 36/15, 11/19 i 35/22) i čl. 26. i 28. stav 1. Zakona o Vladi Kantona Sarajevo („Službene novine Kantona Sarajevo“, broj 36/14-Novih prečišćeni tekst i 37/14-Ispravka), kojim je propisano da Vlada Kantona svojim propisom uređuje vrstu i postupak objavljivanja akata i javnost rada organa Kantona, preduzeća, ustanova i drugih pravnih lica čiji je osnivač Kanton, dok je Zakonom o Vladi propisano da se uredbom uređuju najvažnija pitanja iz nadležnosti Vlade Kantona, bliže uređuju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave Kantona.

### II – RAZLOZI DONOŠENJA

Zaključkom Vlade Kantona Sarajevo, broj: 02-04-17149-50.4.2/24 od 28.03.2024. godine, zaduženo je Ministarstvo pravde i uprave da pripremi prijedlog Uredbe o izmjenama i dopunama Uredbe o vrsti i postupku objavljivanja propisa i javnosti rada organa uprave, javnih preduzeća, javnih ustanova i pravnih lica čiji je osnivač Kanton Sarajevo („Službene novine Kantona Sarajevo“, broj 21/19), shodno rješenju Agencije za zaštitu ličnih podataka u Bosni i Hercegovini broj: UP1 03-1-37-5-160-8/23 DGL od 18.03.2024. godine, kao i eventualne izmjene i dopune Zakona o objavljivanju propisa i drugih općih akata u „Službenim novinama Kantona Sarajevo“ („Službene novine Kantona Sarajevo“, br. 18/11-Prečišćeni tekst, 36/15, 11/19 i 35/22).

S tim u vezi, postupajući po zaključku Vlade Kantona Sarajevo i rješenju Agencije za zaštitu ličnih podataka u Bosni i Hercegovini, Ministarstvo pravde i uprave je pripremiло tekst Uredbe o izmjenama i dopunama Uredbe o vrsti i postupku objavljivanja propisa i javnosti rada organa uprave, javnih preduzeća, javnih ustanova i pravnih lica čiji je osnivač Kanton Sarajevo.

### III – PRAVNA RJEŠENJA

**Član 1.** – Ovim članom se mijenja član 5. Uredbe na način da se, umjesto dosadašnjih objava rješenja i odluka o odobravanju isplata svih vrsta naknada zaposlenim javnog sektora, propisuje objava kvartalnih zbirnih izvještaja o isplati novčanih naknada zaposlenim u organima javnog sektora, koji sadrže vrstu novčane naknade i ukupan iznos isplaćenih naknada (npr. rad u komisijama za koje se plaća naknada, prekovremeni rad i sl.), čime se uvažava preporuka iz Rješenja Agencije za zaštitu ličnih podataka u Bosni i Hercegovini. Također, dosadašnja tačka b) člana 5. (koja je postala tačka a)) se dopunjava i usklađuje sa izmjenama Zakona o javnim nabavama („Službeni glasnik BiH“, broj 59/22).

**Član 2.** – Propisuje se stupanje na snagu ove uredbe.

### IV – FINANSIJSKA SREDSTVA

Za provođenje ove uredbe nisu potrebna dodatna finansijska sredstva iz Budžeta Kantona Sarajevo.

## **PRILOZI**

### **ZAKON O OBJAVLJIVANJU PROPISA I DRUGIH OPĆIH AKATA U "SLUŽBENIM NOVINAMA KANTONA SARAJEVO" ("Službene novine Kantona Sarajevo", broj 18/11 - Prečišćeni tekst, 36/15 i 11/19**

#### *Član 2. stav (2)*

*Vlada Kantona svojim propisom uređuje vrstu i postupak objavljivanja akata iz člana 2. ovog zakona i javnost rada organa Kantona, preduzeća, ustanova i drugih pravnih lica čiji je osnivač Kanton.*

### **ZAKON O VLADI KANTONA SARAJEVO („Službene novine Kantona Sarajevo“, broj 36/14-Novi prečišćeni tekst i broj 37/14)**

#### *Član 26.*

*Vlada Kantona u ostvarivanju svojih nadležnosti utvrđenih ustavom donosi uredbе, odluke, rješenja i zaključke.*

#### *Član 28.*

*Uredbom se uređuju najvažnija pitanja iz nadležnosti Vlade Kantona, bliže uređuju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave Kantona.*

*Odlukom se uređuju pojedina pitanja ili propisuju mjere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.*

*Rješenjem se odlučuje o imenovanjima i razrješenjima, kao i o drugim pojedinačnim pitanjima iz nadležnosti Vlade Kantona.*

*Zaključkom se utvrđuju stavovi o pitanjima od značaja za provođenje utvrđene politike, uređuju unutrašnji odnosi u Vladi Kantona i određuju zadaci organima uprave i službama, kao i radnim tijelima Vlade Kantona. Zaključkom se odlučuje i u drugim slučajevima u kojima se ne donose druga akta.*